

Sede nobo di Stichting Rancho ta un bahul yen di recuerdo

ORANJESTAD – Cu musica Caribeño di e musico Colombiano, Alvaro “El Paly” Gamez y e Dj Ivan Barrera di Caletto Vinyl,

Stichting Rancho a inaugura su sede nobo.

E sede aki ta un cas bieu riba adres J.G.Emanstraat 9, situa den pleno curason di e bario historico aki.

Director di e fundacion aki, Clifford Rosa cargando su baby Chiara Cacica a duna apertura na e sede aki, durante danki na su propietario Jeroen Kuling y tur instancia tanto gubernamental como priva. El a gradici muy specialmente na Cede Aruba y representacion di Hulanda na Aruba (VNO) pa nan valioso ayudo y colaboracion pa fundacion Rancho por sigui funciona.

E concurrencia di hende tabata

grandi unda habitantenan di Rancho por a comparti cu e generacion original cu a biba den Rancho di antes. Un bon ehempel tabata e mesun sede di Rancho, un cas chikito di mas cu 150 aña di existencia cu ta manera un bahul dje di recuerdo.

Nan antiguo habitante tabata presente pa recorda e bunita recuerdonan cu nan a pasa aden di e cas aki. Un di nan ta Mirna Quandt un señora di 72 aña kende ta corda tempo cu e tabata un mucha, caminda hunto cu nan sernan keri di e famia Quandt-Pichon, e prome fam di Aruba y e di dos di Colombia, tabata biba na Rancho. Nan tabata 10 ruman cu a biba den e cas

aki, pero prome cu nan, tabatin mas hende cu a biba den e cas aki; te hasta su wela yama cariñosamente como “Ma Yaya” (Catalina Ridderstap). Un di nan tabata Catalina Pacheco di origen Colombiano;

Maria Quandt, Felicia Cobo kende tabata bende arepa y empana; y tambe Lila Toledo kende tabata casa cu Benjamin Toledo. “Ta mas hende a biba akinan”, Sra. Mirna a relata na Bon Dia Aruba.

